

Cynnwys

1 Cyflwyniad

- **Gair o Groeso** a chyflwyniad i RaW: darllenwch ein hawgrymiadau ar gyfer eich canolfan
- **Sut mae defnyddio'r Pecyn hwn**

2 Cefndir RaW

- **Pwy a Pham?** – proffiliau personol a chyffredinol o ddefnyddwyr o astudiaethau peilot, gydag ystadegau a gwybodaeth ddefnyddiol am lythrennedd
- **Trosolwg o RaW** – cipolwg ar yr ymgyrch tair blynedd

3 RaW Ymarferol

- **Cyfnod 1: Potensial RaW** – awgrymiadau ymarferol a manylion am adnoddau: popeth sydd angen i chi ei wybod i gyhwyn ar eich ymgyrch RaW
- **RaW Ar-lein** – canllaw i'r hyn y gall defnyddwyr ei ddisgwyl
- **Llinell Ffôn a Hyfforddiant Personol RaW** – sut mae'n gweithio a'r hyn y gall yr ymgynghorwyr ei gynnig

4 Cwisiau RaW

- **Cwisiau RaW** – awgrymiadau ar sut mae trefnu digwyddiad a chynnal cwisiau

5 Beth Nesaf?

- **Cyfnod 2: Diddordebau Raw** – mwy o adnoddau a syniadau ar gyfer eich canolfan
- **Trywydd RaW** – llwybrau personol drwy'r ymgyrch

6 Cysylltwch

- **Bywyd ar ôl RaW** – mwy o adnoddau ar gyfer defnyddwyr
- **Cysylltiadau RaW** – sut mae cysylltu â thîm RaW

Croeso RaW

DIOLCH YN FAWR i chi am gofrestru fel canolfan RaW. Rydych chi nawr yn rhan o ymgyrch o bwys gan y BBC i wneud darllen ac ysgrifennu yn rhywbeth i bawb. Does dim pwysau a dim gwerthu caled – dim ond dewis helaeth o adnoddau a chefnogaeth oddi wrth y BBC i helpu'ch ymgyrch RaW i lwyddo.

Prif amcan RaW

Rydyn ni'n gobeithio ysbrydoli'r 12 miliwn o oedolion yn y gwledydd hyn sy'n cael trafferth yn ddyddiol gyda'u sgiliau darllen ac ysgrifennu. Gyda'n gilydd gallwn helpu darllenwyr canolig eu gallu i lenwi ffurflenni, darllen er mwyn pleser a theimlo'n hyderus yn eu sgiliau darllen ac ysgrifennu.

Dewiswch chi: Mae yna raglenni teledu, cwisiau, cylchgronau a llyfrau, heb sôn am RaW ar-lein. I ddechrau, gadewch i bobl wybod beth sydd ar gael – dechreuwch hyrwyddo!

Awgrymiadau sut y gall canolfan RaW arbed amser

- Manteisiwch ar yr hyn sydd eisoes yn cael ei gynnal ar y lefel leol neu genedlaethol, er enghraifft, Diwrnod Byd-eang y Llyfr.
- Dechreuwch yn araf – efallai creu cornel RaW sy'n cynnwys gwybodaeth, cardiau crafu a phosteri.
- Hyrwyddwch ddarllediadau arbennig y BBC, fel Test the Nation a Star Spell. Rhwch nhw ar y sgrîn os oes gennych chi sgrîn deledu fawr!
- Y ganolfan yw'ch lleoliad, felly defnyddiwch adnoddau rydych chi'n teimlo'n gyfforddus â nhw – cwis, defnyddiau ar-lein, cornel hyrwyddo RaW yn hysbysebu rhaglenni teledu a radio.

Rhowch adborth i ni

Peidiwch â bod yn swil – dywedwch wrthon ni os yw'r hyn rydych yn ei wneud yn gweithio a manteisiwch ar lwyddiannau pobl eraill.

I wneud hyn, defnyddiwch adran ymgyrch gwefan RaW ar bbc.co.uk/cymru/raw/mwy/ymgyrch neu gylchlythyr RaW. Efallai yr hoffai'ch gorsaf radio neu deledu'r BBC yn lleol roi sylw i'ch canolfan ar waith.

Cofiwch – mae defnyddiau RaW wedi eu cynllunio i gyflwyno pobl i sgiliau newydd heb iddyn nhw hyd yn oed sylweddoli hynny. Bydd pob gweithgaredd yn symud pobl ymlaen a bydd y BBC yn parhau i gynnig cyngor a chefnogaeth.

Fel canolfan RaW, bydd manylion eich lleoliad ar gael ar-lein ar bbc.co.uk/cymru/raw/mwy a thrwy linell ffôn RaW, **08000 150 950**, ar gyfer y rhai sy'n chwilio am weithgareddau yn eu hardal. Cofiwch ofyn am siaradwr Cymraeg.

Dyma'r ymgyrch lythrennedd fwyaf erioed a gynhaliwyd gan y BBC. Darllenwch y pecyn ac ymlaen â chi!

Tîm Raw Cymru

Cyngor Cyflym Raw

Gadewch i bobl wybod fod RaW yma..

Sut mae defnyddio'r pecyn hwn

Dyw RaW ddim yn ymwneud ag ymuno â chysiau neu fynd yn ôl i'r ysgol.

Mae'r ymgyrch yn cynnig amrywiaeth eang o adnoddau a gweithgareddau y gall pobl eu mwynhau yn eich canolfan RaW tra'n gwella'u lefelau darllen ac ysgrifennu yr un pryd.

Yn gynwysedig yn y pecyn mae'r holl wybodaeth y bydd arnoch ei hangen am yr ymgyrch, a'r amrywiaeth o adnoddau a gweithgareddau y gallwch bicio i mewn ac allan ohonyn nhw. Gellir llungopïo'r tudalennau ac maen nhw wedi eu rhannu'n adrannau hylaw ar gyfer eu defnyddio'n hawdd, a byddwch yn derbyn darnau ychwanegol cyn pob cyfnod newydd yn yr ymgyrch.

Mae'r amrywiaeth o adnoddau RaW yn helaeth: Pigion RaW i'ch helpu i ddewis llyfrau Cymraeg addas; cylchgrawn Raw (Saesneg), yn llawn straeon am y 'sêr', cwisiau ac eitemau nodwedd, i gwisiau RaW sy'n cynnwys rowndiau am chwaraeon, cerddoriaeth, gwybodaeth gyffredinol a chwaraeon geiriol yn Saesneg mae DVD EastEnders rhyngweithiol arbennig sy'n mynd â chi tu ôl i'r llenni ar set y gyfres sebon hon gan y BBC.

Mae RaW ar-lein yn wefan ar ffurf cylchgrawn sy'n newid yn wythnosol, gyda gweithgareddau, cwisiau, holiaduron personoliaeth a dysgu, tra bod llinell ffôn RaW yn rhoi unigolion mewn cysylltiad â 'hyfforddwr' ffôn fydd yn eu cefnogi a'u helpu i gyrraedd targedau ymarferol.

Os oes gennych unrhyw gwestiynau, mae gwybodaeth ar y dudalen Cysylltiadau yng nghefn y pecyn neu cysylltwch â thîm RaW.

E-bost: rawcymru@bbc.co.uk
Ffôn: 020 8752 6777

Pwy a Pham?

Mae'n bwysig sylweddoli pwy fydd yn dod trwy'r drws a pham

Bydd rhai pobl yn dod i mewn yn betrusgar (er gwaethaf gwahoddiad neu ymwybyddiaeth o RaW). Mae'r ffaith y gallen nhw fod yn eich canolfan beth bynnag (ar gyfer defnyddio'r we, cael diod neu gymryd rhan mewn cwis) yn un o brif atyniadau ymgyrch RaW.

Mae astudiaeth peilot RaW wedi dangos pa fathau o bobl a allai gael budd o RaW ac mae rhai astudiaethau achos wedi eu rhestru dros y dudalen. Mae hefyd wedi datgelu rhai pwyntiau diddorol:

- Dywedodd pawb eu bod yn frwdfrydig dros RaW unwaith eu bod wedi dod dros y rhwystr cyntaf.
- Mae'r rhan fwyaf yn darllen papurau tabloid, cylchgronau fel Hello neu fywgraffiadau hawdd eu darllen. Roedd erthyglau byrion fel y dudalen broblemau neu horosgopau yn hynod boblogaidd.
- Dywedodd y rhan fwyaf eu bod yn cael trafferth cyflawni tasgau cyffredin bob dydd (ysgrifennu llythyrau, llenwi ffurflenni ac yn y blaen).

Proffil o'r gynulleidfa

Mae RaW wedi ei anelu at oedolion sydd â'u sgiliau llythrennedd yn Lefel Mynediad 3 a Lefel 1 ar y Cwricwlwm Llythrennedd Craidd Oedolion – fe allan nhw ddarllen ac ysgrifennu'n gymwys ddigon ond heb fod yn ddarllenwyr hyderus neu brofiadol.

Mae 12.1 miliwn o oedolion yn y DU – nifer cyfartal o ddynion a gwragedd – yn ffitio i'r categori hwn.

Mae llai nag un o bob deg yn dod o gefndir ethnig lleiafrifol, ond bydd dysgwyr ESOL yn cael budd o'r adnoddau a bydd llinell ffôn RaW yn cyfeirio oedolion tuag at y ddarpariaeth addas. Yn yr un modd, bydd y llinell ffôn yn cyfeirio dysgwyr dyslecsig at gyfleon addas.

Mae'r gynulleidfa'n fwy tebygol o ddod o gefndiroedd economaidd-gymdeithasol is ond mae yna gynrychiolaeth sylweddol o'r lefel broffesiynol/rheoli.

Cyngor Cyflym RaW

Byddwch mor groesawgar â phosibl – mae defnyddwyr yn chwilio am anogaeth.

Pwy a Pham? (parhad)

Proffiliau personol RaW

- Mae Manisha yn 35 oed ac mae hi wedi dechrau ar swydd newydd wych sy'n golygu bod angen iddi gyfathrebu gyda chydweithwyr a busnesau eraill. Mae ei darllen a'i hysgrifennu yn ddigonol ond mae'n poeni bod ffyrdd gwell o ysgrifennu llythyrau ac e-byst i gyfleu ei neges yn well.
- Mae Shane yn ddyn yn ei dridegau canol, yn ymroddedig i'w deulu, ac mae'n gweithio fel gyrrwr dosbarthu. Rhoddodd ffrind y daflen RaW iddo gan awgrymu ei fod yn mynd i sesiwn gan ei fod nawr yn cael peth anhawster wrth helpu ei fab hynaf (13 oed) gyda'r darllen mae'n ei gael o'r ysgol. Mae eisiau gallu cadw i fyny â'i fab ac osgoi mynd trwy'r un embaras gyda'i blentyn ieuengaf.
- Mae Sheila yn 49 oed. Collodd ei mab a'i merch yng nghyfraith mewn damwain a chafodd ei gadael i fagu ei hwyres, Sophie, a oedd yn ddim ond saith oed ar y pryd. Penderfynodd ddiweddarau ei sgiliau (roedd wedi gadael yr ysgol â dim ond ychydig o gymwysterau) fel y gallai helpu Sophie â'i gwaith ysgol. Mae Sheila wedi bod ym mynd i'w chanolfan gymunedol leol ac mae nawr yn datblygu hoffter gwirioneddol o ddarllen.
- Mae Jon yn ei ugeiniau cynnar. Gadawodd yr ysgol â thri TGAU a dechreuodd ar brentisiaethau mewn nifer o wahanol sectorau ond ni orffennodd yr un ohonyn nhw. Gweithiodd mewn stordy nes ei fod yn 20 oed a hefyd bu'n gweithio mewn ffatri. Yna aeth ymlaen drwy gyfrwng cynllun y Fargen Newydd i weithio i'r rheilffyrdd lleol, ond dyw'r gwaith ddim yn ddibynadwy. Mae'n gobeithio ailhyfforddi ar gyfer gyrfa a fyddai'n rhoi cyflog rheolaidd dibynadwy iddo.

Trosolwg o RaW

Mae RaW yn ymgyrch tair blynedd sy'n amcanu i wella sgiliau llythrennedd cyffredin mewn amgylchedd sy'n gyfeillgar i'r defnyddiwr. Mae yna elfennau parhaol ar-lein y gellir picio i mewn ac allan ohonyn nhw, a gweithgareddau sydd wedi eu bwriadu'n fwy at gyfnodau mwy penodol. Does dim man cychwyn na man gorffen penodol.

Bydd gan bob cyfnod RaW bwyslais penodol.

Cyfnod 1: Potensial RaW

Hydref 2005– Chwefror 2006

- Cyfnod codi ymwybyddiaeth pryd bydd oedolion yn cael eu hannog i ddarganfod eu lefelau llythrennedd mewn ffordd anffurfiol trwy'r teledu a'r radio, ar-lein a gyda'r cylchgrawn a DVD RaW sydd am ddim.
- Bydd cwisiau RaW yn chwarae rhan allweddol mewn denu defnyddwyr i ganolfannau RaW.
- Bydd llinell ffôn RaW yn darparu gwasanaeth hyfforddi un-i-un hanfodol. Cofiwch ofyn am siaradwr Cymraeg.
- Bydd y gwasanaeth ar-lein yn cael ei hybu'n drwm ar y teledu a radio ac mewn canolfannau RaW.
- Mae ymwybyddiaeth a'r awydd i symud ymlaen yn rhan allweddol o gyfnod cyntaf RaW. Fe fyddwn yn helpu pobl i benderfynu lle maen nhw a lle maen nhw eisiau mynd.

Cyngor Cyflym RaW

Mae RaW yn ymwneud â chymau dysgu bychain, nid camau addysgol breision – dyw hi byth yn rhy hwyr i ymuno â'r ymgyrch.

Trosolwg o RaW (parhad)

Cyfnod 2: Diddordebau RaW Mawrth 2006 – Chwefror 2007

- Cyfnod wedi ei seilio ar ddiddordebau pobl, yn hybu detholiad o lyfrau newydd adloniadol ac amserol ar gyfer darllenwyr canolig.
- Bydd yr elfen o gymryd rhan yn cynnwys digwyddiadau sy'n berthnasol i chwaraeon gyda 'Pigion Raw' ('RaW Recommends'), 'Llyfr i mi, llyfr i ti' ('RaW Swaps'), 'Darllen RaW' ('RaW Reads') a 'Straeon RaW' ('RaW Stories').
- Bydd llyfrau newydd, rhaglenni ac adnoddau eraill, yn cynnwys adran arbennig ar-lein, i gyd yn uchafbwyntiau'r cyfnod hwn.

Cyfnod 3: Plant RaW Mawrth 2007–2008

- Mae'r cyfnod olaf hwn wedi ei fwriadu ar gyfer darllen gyda phlant. Wedi ei gynllunio ar gyfer rhieni, neiniau a theidiau, brodyr a chworydd a gofawyr, bydd yn ceisio creu amgylchedd diogel yn y cartref, yn yr ysgol, mewn llyfrgelloedd a chaffis lle gellir datblygu hoffter o ddarllen ac ysgrifennu.
- Bydd cynlluniau darllen a rhestrau llyfrau Raw yn cael eu hanelu at deuluoedd.
- Bydd canolfannau RaW yn cael eu hannog i gynnal gweithgareddau dysgu i deuluoedd a digwyddiadau lleol i hyrwyddo'r cyfnod hwn.
- Unwaith eto bydd RaW yn cael sylw ar y teledu a'r radio, ar-lein ac mewn mannau eraill.

Cyfnod 1: Potensial RaW

I gael RaW i weithio yn ystod y cyfnod cyntaf hwn, rhowch gynnig ar y canlynol:

- Cynhaliwch gwis RaW: mae hon yn ffordd ddelfrydol i gynnal digwyddiad sydd ddim yn fygythiol o gwbl ond yn cynnig awgrymiadau bychain a chwestiynau difyr gyda thro llythrennedd ynddyn nhw.
- Denwch bobl i ddefnyddio RaW ar-lein: bbc.co.uk/cymru/raw
- Hybwch hyfforddi ar y ffôn trwy linell ffôn Raw: **08000 150 950**. Cofiwch ofyn am siaradwr Cymraeg.

Cyfnod 1: Potensial RaW

DVD EastEnders (yn Saesneg)



Canllaw i Albert Square trwy lygaid yr actorion. Galwch i mewn i'r Queen Vic neu rhannwch newyddion am y Slaters. Ym mhob lleoliad bydd y cyflwynydd yn rhoi peth cefndir ac yn gofyn cwestiwn wedi ei seilio ar lythrennedd. Bydd atebion cywir yn datgloi darn clasurol o archif EastEnders. Mae yna sesiwn adborth defnyddiol os yw gwylwyr eisiau unrhyw help wedyn.

Gall canolfannau **RaW** archebu hyd at 40 o gopiau o'r DVD i'w defnyddio fel gwobrau ac ati trwy gydol Cyfnod 1. Bydd y llinell ffôn yn cyfeirio pobl atoch i ddod o hyd i sut y gallan nhw ennill DVD. Rydyn ni'n awgrymu eich bod yn cadw hyd at bump copi fel adnoddau y gellir eu rhannu a'ch bod yn defnyddio'r lleill fel pethau i'w rhannu neu eu cyflwyno'n wobrau mewn digwyddiadau a gweithgareddau.

Awgrymiadau

- Rhowch y DVDs fel gwobrau mewn cwisiau.
- Defnyddiwch nhw fel symbyliad i annog pobl i fynychu digwyddiad. Rhowch nhw i oedolion sydd wedi cwblhau gweithdy neu sesiwn gyda chi.
- Gwylwch y DVD fel grŵp a rhowch gynnig ar y cwisiau gyda'ch gilydd.

Tiwnio i'r teledu a radio

Trwy gydol yr hydref bydd EastEnders a Doctors yn cynnwys straeon am lythrennedd.

Bydd gorsafoedd radio'r BBC hefyd yn hyrwyddo gwefan a llinell ffôn RaW.

Awgrymiadau

- Hyrwyddo'r rhaglenni gyda phosteri a thaflenni.
- Caiff mwy o raglenni eu cyhoeddi ar y wefan, felly cadwch olwg.

Cyfnod 1: Potensial RaW

Defnyddiau hyrwyddo

Cardiau crafu RaW (Saesneg) – ar y cardiau hyn mae cwestiynau bach pryfoclyd RaW yn ogystal â rhif y llinell ffôn ac URL y wefan, a gallwch eu dosbarthu mewn digwyddiadau i godi ymwybyddiaeth.

Posterï RaW (maint A3) – defnyddiwch nhw i hybu'ch cwis RaW, eich cornel RaW neu raglenni teledu a radio sy'n ymwneud â RaW, er mwyn hysbysu defnyddwyr o RaW ar-lein – a dweud y gwir i hybu unrhyw weithgaredd RaW.

Mae lle gwag yng nghanol y poster lle gallwch chi ysgrifennu manylion am eich canolfan ac amserau digwyddiadau i ddod. (Gallwch archebu hyd at dri phoster i bob canolfan, gyda fersiwn ar-lein y gallwch ei lwytho i lawr.)

Sticeri RaW – rhwch nhw i staff a'r rhai sy'n cymryd rhan, glynwch nhw ar lyfrau, cyfrifiaduron, neu unrhyw beth a fyynnwch. (Mae sticeri'n cael eu cynnwys yn y pecyn hwn.)

Arbedwr sgrîn ac eiconau y gellir eu

llwytho i lawr – ewch i adran ymgyrch y wefan i lwytho i lawr arbedwr sgrîn RaW ac eiconau cysylltu â gwefannau er mwyn hybu RaW ar-lein.

I archebu adnoddau

I archebu unrhyw adnoddau, defnyddiwch system bartner cofrestru ar-lein y BBC ar bbc.co.uk/cymru/raw/mwy/ymgyrch, neu ffoniwch 08000 150 950 os nad oes gennych fodd i fynd ar-lein. Cofiwch gyfrinair eich canolfan!

Cyngor Cyflym RaW

Cynhaliwch gwis neu sesiwn ar-lein – byddwch greadigol gydag adnoddau hyrwyddo RaW.

RaW Ar-lein

bbc.co.uk/cymru/raw

Ydych chi'n gwneud y gorau o'ch Cymraeg? Mae gwefan RaW Cymru yn annog pobl i fynd ati i wella'u darllen a'u hysgrifennu. Beth am gael hwyl gyda'n holiadur ysgafn? Neu beth am fwrw golwg dros rai o'n hoffer iaith arbennig?

Rydym hefyd wrthi'n datblygu ystod o weithgareddau cyffrous ar-lein.

Mae'r adran Cam wrth Gam (gweler y dudalen nesaf) yn rhoi syniad i staff canolfan RaW beth mae defnyddwyr yn ei feddwl o RaW ar-lein. Mae'r safle yn hawdd ei defnyddio ond mae adnoddau ar-lein bob amser yn gweithio orau gydag ychydig gymorth caredig ac arbenigedd.

Mae canolfannau RaW yn cael eu hannog i gynnal sesiynau ar-lein gyda staff sydd wrth law i roi hyder i ddefnyddwyr ac i hyrwyddo'r wefan yn gyffredinol. Mae yna ddwy ran i'r wefan – un i ddefnyddwyr ac un i ganolfannau.

1 bbc.co.uk/cymru/raw

Gall defnyddwyr ddewis o amrywiaeth o gemau, cwisiau a gweithgareddau i helpu gwella'u sgiliau darllen ac ysgrifennu. Fe allan nhw hefyd ddarganfod pa ganolfannau sydd yn eu hardal.

2 bbc.co.uk/raw/mwy/ymgyrch

Gall canolfannau RaW ddefnyddio adran ymgyrch y wefan i roi adborth am sut mae eu rhan nhw yn yr ymgyrch yn mynd a chael gafael ar wybodaeth newydd a ddarperir gan dîm RaW.

- Mae yna hefyd ddolen sy'n cysylltu â'r cylchlythyr fel y gall canolfannau gael rhybudd ymlaen llaw am yr hyn sy'n digwydd ac ymhle ac fe allan nhw hefyd rannu newyddion da.
- Hefyd mae yna ddolen i gysylltu â'r system bartner cofrestru ar-lein ar gyfer archebu mwy o adnoddau.

RaW Ar-lein

bbc.co.uk/cymru/raw (parhad)

Cam wrth Gam

Ar y tudalen gartref gall rhai sy'n ymweld am y tro cyntaf ddewis dolen 'Beth yw RaW?' i ddarganfod popeth am yr ymgyrch. Mae hyn yn cyflwyno'r defnyddiwr i'r wefan ac i elfennau gwahanol RaW.

Gall defnyddwyr wedyn ddewis o dri opsiwn:

1 Proses sgrinio bersonol yn defnyddio cwestiynau amlddewis

Mae'r broses hon wedi ei chynllunio i roi i'r defnyddwyr ymdeimlad o'u gallu eu hunain mewn darllen ac ysgrifennu. Does a wnelo hyn ddim â graddio ond â symud y defnyddiwr ymlaen i'r gweithgareddau mwyaf defnyddiol ac opsiynau eraill yn cynnwys mwy o adnoddau dysgu.

1 Proses sgrinio bersonol

<http://www.bbc.co.uk/cymru/raw/cwis/>



2 Cysylltiad uniongyrchol ag amrywiaeth o gemau a chwisiau ar-lein i helpu gwella darllen ac ysgrifennu

Rydym wrthi'n datblygu ystod o weithgareddau cyffrous ar-lein fydd yn helpu i fagu hyder wrth ddarllen a sgwennu'n Gymraeg. Bydd y gemau'n rhyngweithiol gyda chynnwys gweledol bywiog sy'n creu canlyniadau dysgu yn syth.

2 Amrywiaeth o gemau a chwisiau ar-lein

<http://www.bbc.co.uk/cymru/raw/newyddion/>

3 Adran Help Llaw

Ar y wefan mae na adran o'r enw Help Llaw. I'r dim ar gyfer taclo'r treigladau neu gael gwared ar wallau gramadeg!

3 Help Llaw

<http://www.bbc.co.uk/cymru/raw/help/>

RaW Ar-lein

bbc.co.uk/cymru/raw (parhad)

Nodweddion eraill

Dewch o hyd i'ch Canolfan RaW neu Lyfrgell RaW agosaf

- Bydd y llinell ffôn **08000 150 950** yn helpu'r rhai sy'n galw i ddod o hyd i ganolfannau a llyfrgelloedd eraill RaW. Cofiwch ofyn am siaradwr Cymraeg.

Pigion Raw

- Bydd llyfrau a argymhellir gan sêr yn ymddangos yn rheolaidd.

Bywydau go iawn RaW

- Bwriad yr adran hon fydd symbylu defnyddwyr trwy ddangos sut mae pobl eraill wedi llwyddo i goncro'u hofnau a'u hamharodrwydd i wella'u sgiliau llythrennedd.
- Bydd yn gronfa o straeon go iawn a gaiff eu diweddarau a'u newid i weddu i bob cyfnod RaW.

Awgrymiadau ar-lein

- Cynhaliwch sesiwn ar-lein yn eich canolfan, dangoswch yr hyn gaiff ei gynnig a rhowch gyfle i ddefnyddwyr roi tro arni. Ni fydd pob defnyddiwr RaW mewn sefyllfa i allu defnyddio cyfrifiadur gartref.
- Defnyddiwch yr arbedwr sgrîn y gellir ei lwytho i lawr i wneud yn siŵr bod cyfrifiadur RaW amlwg yn ardal gyfrifiadurol eich canolfan neu yn eich ardal RaW (os yw hyn yn addas).
- Rhannwch eich profiadau RaW trwy gyfrwng adran ymgyrch y wefan – rydyn ni eisiau gwybod beth sy'n gweithio a beth sydd ddim.

Cyngor Cyflym RaW

Hyrwyddwch y wefan – anogwch y defnyddwyr i fynd ar-lein

Llinell Ffôn a Hyfforddiant Personol RaW 08000 150 950

Mae llinell ffôn RaW wrth galon yr ymgyrch gydag ymgyngorwyr ben arall y ffôn i gyfeirio galwyr at yr adnodd perthnasol. Mae hyn yn cynnwys helpu pobl i ddod o hyd i'w canolfan RaW agosaf, archebu'r cylchgrawn a derbyn hyfforddiant ar y ffôn. Cofiwch ofyn am siaradwr Cymraeg.

Mae hyfforddiant ar y ffôn yn rhan unigryw o'r gwasanaeth hwn a chaiff ei gynnal ar y cyd â learndirect (gweler www.learndirect.co.uk).

Dylai canolfannau RaW gyfeirio pobl at y llinell ffôn a'r hyfforddiant ar y ffôn (caiff ei glustnodi ar y wefan ac ar y teledu a'r radio). Dylai'r wybodaeth isod helpu gydag unrhyw ymholiadau ynglyn â'r gwasanaeth.

Beth yw hyfforddiant ar y ffôn?

Mae hyfforddiant ar y ffôn fel cael hyfforddwr personol mewn llythrennedd. Mae'n wasanaeth anffurfiol, cyfrinachol gydag ymgyngorwr dysgu arbenigol yn cynnig llwybr dysgu personol sy'n datblygu sgiliau darllen ac ysgrifennu.

Cost ac amser?

Mae'r gwasanaeth yn rhad ac am ddim. Mae'r alwad gyntaf yn trefnu amser y sesiwn galw nôl gyntaf oddi wrth hyfforddwr dysgu. Gall yr alwad nôl fod i unrhyw ffôn rhwng 8 am a 10 pm. Yng Nghymru, Lloegr a Gogledd Iwerddon mae'r gwasanaeth hyfforddi ar y ffôn yn golygu tair sesiwn galw nôl yn para hyd at 30 munud yr un. Bydd yr Alban yn cynnig model tebyg.

Beth yw'r tair sesiwn galw nôl?

Sesiwn 1

Bydd yr alwad gyntaf hon yn darganfod beth mae'r dysgwr unigol yn gobeithio'i gyflawni. Bydd hyfforddwyr dysgu yn cynnig cyngor ar amrywiaeth o bynciau, megis gwneud cais am swydd, ysgrifennu CV, creu adroddiad ac ysgrifennu llythyr ffurfiol neu bersonol.

Bydd yr hyfforddwr yn gweithio gyda'r galwr i osod amcanion clir a sefydlu cynllun gwaith. Mae'r cam hwn yn hanfodol gan mai dyma pryd bydd yr hyfforddwr yn gallu penderfynu a yw nod neu amcanion y galwr yn realistig a sut y gellir delio â nhw.

Sesiwn 2

Bydd yr ail alwad yn cael ei gwneud ar adeg wedi ei drefnu ymlaen llaw pan fydd peth o'r rhaglen y cytunwyd arni yn Sesiwn 1 wedi ei chwblhau. Bydd yr hyfforddwr yn darganfod sut mae'r cynllun yn dod yn ei flaen. Os oes yna broblemau bydd yr hyfforddwr yn gallu rhoi cyngor pellach i'r galwr. Gallai hyn ymwneud â materion ymarferol neu bersonol megis arian, gofal plant neu hyder.

Sesiwn 3

Bydd y sesiwn olaf yn cael ei defnyddio i ddod i ben ag unrhyw faterion fydd heb eu cwblhau, yn fwyaf pwysig, i gyfeirio'r galwr tuag at ddarpariaeth bellach os oes angen. Gallai hyn fod yn ddysgu mwy ffurfiol – cwrs neu gymwysterau. Os na fydd yr amcanion wedi eu cyrraedd, bydd yr hyfforddwr yn gwneud awgrymiadau eraill i symud y galwr ymlaen mewn camau llai.

Cyngor Cyflym RaW

Anogwch ddefnyddwyr i wneud yr alwad gyntaf – mae'r posibiliadau'n ddiddiwedd.

Cwisiau RaW

Croeso i adran cwis RaW

I'w defnyddio gennych chi eich hunain mewn tafarndai a chanolfannau cymunedol i gael tipyn o hwyl ac i roi ymarfer i'r ymennydd ar ôl y diwrnod gwaith!

Angenrheidiol ar gyfer Cwis RaW GWYCH

Rydyn ni i gyd wedi bod i gwisiau. Mae rhai wedi bod yn dda ac mae eraill wedi bod yn rhy hawdd, rhy anodd, neu wedi bod â gormod o gwestiynau am golff, ond dyma i chi ambell awgrym ar sut mae cael pethau'n iawn.

Fe fydd arnoch angen:

- I x cwis RaW y BBC
- I x synnwyr digrifwch
- I x lleoliad addas (mae tafarndai a chlybiau'n wych, neu rhowch gynnig ar neuaddau pentref ac ystafelloedd cymunedol)
- Digon o gopiau o'r taflenni ateb a phensiliau
- Gwobrau
- Llawer o bobl

Paratoi

- Cysondeb – penderfynwch ar ddiwrnod ac amser i gynnal y cwis a gwnewch hyn yn nodweddiadol.
- Sicrhewch nad yw'n cael ei drefnu yr un pryd â digwyddiad arall, fel pêl-droed er enghraifft.
- Dewiswch y diwrnod gorau ar gyfer y lleoliad – Dydd Sul i Ddydd Iau sy'n gweithio orau i dafarndai, gan y bydd digwyddiad yn denu pobl yno ar eu dyddiau tawelaf, ond efallai y byddai'n well gan glybiau a grwpiau cymdeithasol Ddydd Gwener neu Ddydd Sadwrn.

Cam 1 – Hysbysebu

- Hysbysebwn y cwis y tu fewn i'r lleoliad ac ar y ffenestr yn wynebu allan Defnyddiwch bosteri cwis RaW y BBC sydd â lle i chi roi dyddiad ac amser eich digwyddiad.
- Rhowch ddigon o rybudd i bobl.
- E-bostiwnch neu ffoniwch bobl os ydych yn cynnal grŵp cymdeithasol, neu soniwch amdano amser cau os ydych yn berchennog tafarn.
- Defnyddiwch y dyddiadur digwyddiadau yn y papur lleol neu hyd yn oed yr orsaf radio BBC leol.
- Fel canolfan RaW bydd manylion eich lleoliad ar wefan RaW neu trwy linell ffôn RaW ar gyfer y rhai sy'n chwilio am gwisiau i fynd iddyn nhw yn eu hardal leol.

Cyngor Cyflym RaW

Gwnewch yn siŵr eich bod yn dweud wrth bawb mai cwis RaW y BBC yw'r digwyddiad fel y byddwch yn cael budd o'r holl waith hyrwyddo sy'n cael ei gynnal o gwmpas yr ymgyrch yma.

Angenrheidiol ar gyfer Cwis RaW GWYCH (parhad)

Cam 2 – Gwobrau

- Fe fydd arnoch angen gwobrau ar gyfer holl aelodau'r tîm(au) buddugol.

Cyngor

- Byddai cynnig gwobr ariannol sylweddol yn debygol o demtio'r rhai sy'n cymryd rhan mewn cwisiau'n rheolaidd gan adael eich cwsmeriaid rheolaidd ymhell ar ôl.

Cam 3 – Y person cywir ar gyfer y gwaith

- Mae dewis yr holwr yn y cwis yn hanfodol i lwyddiant eich digwyddiad – gwnewch yn siŵr eu bod yn glir ac yn ddigynnwrf ond yn gadarn.
- Peidiwch â dewis rhywun sy'n dioddef o 'salwch DJ' – hoffi ei lais ei hun yn ormodol.
- Mae'r rhai sy'n cymryd rhan mewn cwisiau â diddordeb yn y cwestiynau a'r atebion yn unig. Mae'r cwisiau gorau'n cael eu cynnal â thipyn o symud ynddyn nhw a dim gormod o siarad gwag.
- Peidiwch ag anghofio'r pethau ymarferol. Sut bydd pobl yn clywed yr holwr? A oes system sain ar gael? Ble bydd yr holwr yn sefyll/eistedd?

Cam 4 – Darllen trwy'r cwestiynau

- Trefnwch fod y cwisfeistr yn darllen trwy'r cwestiynau ymlaen llaw er mwyn deall y cwestiynau i gyd. Bydd hyn yn ei helpu i osgoi cael trafferth gydag unrhyw ynganiad anodd ac o'r herwydd bydd y digwyddiad yn swnio'n fwy proffesiynol.

Cam 5 – Logisteg

- Llungopiwch y daflen ateb wag fel bod digon o gopiâu ar gyfer pob tîm – fe fyddan nhw angen un daflen ar gyfer pob rownd yn y cwis. Mae'n well gwneud gormod o gopiâu na dim digon.
- Crëwch eich system eich hun i ddosbarthu a marcio'r papurau.
- Gall y rhan fwyaf o bobl ymdopi â marcio tua deg papur. Os nad oes gennych chi ddeg pâr o ddwylo neu bobl eraill a all helpu, gallwch bob amser ofyn i'r timau gyfnewid papurau â'r timau eraill a'u marcio ac yna gallwch chi nodi'r sgoriau.
- Os oes gennych sgrîn fawr a chyfrifiadur pen glin ar gael yn eich lleoliad, efallai yr hoffech lwytho i lawr o'r wefan y defnyddiau gweledol addas ar gyfer y cwis RaW.

Angenrheidiol ar gyfer Cwis RaW GWYCH (parhad)

Ar ddiwrnod y cwis

Y rhybudd olaf! – dechreuwch gyhoeddi dechrau'r cwis 30, 15 a 5 munud cyn iddo ddechrau, ac anogwch bobl i feddwl am enw i'w tîm. Dosbarthwch y taflenni ateb a phensiliau ysgrifennu cyn dechrau'r cwis. Casglwch a chofnodwch enwau'r timau wrth i chi fynd yn eich blaen.

Cyngor Cyflym RaW

Dylai cwis RaW y BBC gymryd tua awr, felly gwnewch yn siŵr bod gennych ddigon o amser!

Estynnwch groeso i bawb i'r cwis ac yna eglurwch sut mae'r rownd gyntaf yn gweithio.

Rhybudd – efallai yr hoffech wahardd y rhai sy'n cymryd rhan rhag defnyddio ffonau symudol i geisio dod o hyd i'r atebion a gosod cosb i'r rhai a gaiff eu dal yn twyllo, e.e. deg pwynt oddi ar eu sgôr terfynol.

Cyngor Cyflym RaW

Mae'r cwisfeistr BOB AMSER yn iawn. Os oes unrhyw un yn dadlau â'r ateb (ac fe wnân nhw!) mae'ch penderfyniad chi'n derfynol

Cyngor gofyn cwestiwn – darllenwch bob cwestiwn unwaith. Arhoswch ychydig eiliadau ac yna ailadroddwch. Ar ddiwedd y rownd ewch dros y cwestiynau'n gyflym.

Marcio – un ai casglwch y papurau atebion i'w marcio neu dywedwch wrth y timau am gyfnewid papurau. Pa ffordd bynnag a ddewiswch, bydd angen i chi nawr ddarllen yr atebion i bawb glywed.

Angenrheidiol ar gyfer Cwis RaW GWYCH (parhad)

Sgorio – un ai cyhoeddwr y sgoriau eich hunan os ydych wedi marcio'r papurau, nau galwch enwau'r timau fesul un a gofyn am y sgoriau. Rhowch y canlyniadau wedi eu diweddarau ar ddiwedd bob rownd.

Cyngor Cyflym RaW

I ychwanegu at y tensiwn, gallwch ddarllen y sgoriau terfynol o'r isaf i'r uchaf.

Os digwydd bod dau dîm yn gyfartal – os oes dau neu fwy o dimau'n gydradd gyntaf, gofynnwch i un aelod o'r timau hynny ddod draw atoch chi, gan ddod â phapur a phensel gyda nhw. Gofynnwch y cwestiwn penderfynu (sydd ar ddiwedd y daflen cwestiynau) yn uchel fel y gall pawb yn yr ystafell ei glywed. Dywedwch wrth y cystadleuwyr i ysgrifennu eu hateb ac enw'u tîm, ac yna roi eu papurau i chi. Penderfynwch pwy sydd agosaf at yr ateb cywir a chyhoeddwr enw'r tîm buddugol, gan ddweud enw'r tîm, beth oedd yr ymgais a'r ateb cywir.

Os oes dau neu fwy o'r cynigion yr un mor bell o'r ateb cywir, dywedwch wrthyn nhw fod yn rhaid iddyn nhw roi cynnig arall arni. Gallwch ailadrodd hyn nes y cewch chi enillydd. Dim ond ar ôl i chi gael enillydd clir y dylech chi ddatgelu'r ateb cywir.

Cyfnod 2: Diddordebau RaW

Bydd Cyfnod 2 RaW yn cychwyn ym mis Mawrth 2006 ac yn rhedeg tan fis Mawrth 2007. Bydd yn elwa ar hyrwyddo dwys RaW gan y bydd yr ymgyrch erbyn hynny wedi cychwyn.

Bydd rhan hon yr ymgyrch yn cael ei hadeiladu ar ddiddordebau ac ymwybyddiaeth.

Bydd dau ddigwyddiad penodol i ganolbwyntio arnyn nhw oddi fewn i'r cyfnod hwn:

- **Gwanwyn** – llyfrau ffuglen newydd, wedi eu seilio ar Ddiwrnod Byd-eang y Llyfr ym mis Mawrth
- **Haf a hydref** – hyrwyddiadau chwaraeon a digwyddiadau teuluol gyda phwyslais penodol ar bêl-droed Cwpan y Byd

Beth sydd ar gael?

Llyfrau newydd – Yn Saesneg Caiff 12 llyfr newydd ar gyfer darllenwyr canolig gan rai o brif gyhoeddwyr y DU eu lansio ar 2 Mawrth 2006, Diwrnod Byd-eang y Llyfr. Caiff y rhestr lyfrau ei galw'n Ddeunydd Darllen Cyflym, a bydd wedi ei chysylltu â'r ymgyrch RaW, gyda 12 arall i'w cyhoeddi ar 11 Mai mewn pryd ar gyfer hyrwyddiadau darllen ar gyfer yr haf. Mae'r awduron yn cynnwys Ruth Rendell, Danny Wallace, Richard Branson a Minette Walters, a bydd llyfr Dr Who newydd oddi wrth y BBC.

Teledu a radio – bydd rhaglenni'n ymwneud â chwaraeon yn hyrwyddo mentrau diweddaraf RaW gan gyfeirio pobl at y wefan a'r llinell ffôn.

RaW ar-lein – 'Pigion RaW' i weld adrannau'n ymwneud â phêl-droed a'r holl adnoddau RaW arferol.

Cyfnod 2: Teimpladau RaW

Beth allwch chi ei wneud?

Llyfr i mi, llyfr i ti – beth am gyfnewid llyfrau? Gall eich canolfan annog pobl i rannu llyfrau trwy gynnal digwyddiadau cyfnewid llyfrau a threfnu mannau cyfnewid.

Cynhaliwch sesiynau Darllen RaW – ewch i ymweld â'r wefan a chwiliwch am lyfrau addas ar gyfer pob diddordeb a symbyliad a syniadau ynglyn â sut mae creu cymunedau o gwmpas darllen, yn enwedig gyda llyfrau ffeithiol. Mae adnoddau a gwybodaeth am deitlau 'Pigion RaW' yn gwneud hwn yn opsiwn gwych ar gyfer canolfannau RaW.

Cynhaliwch Sesiwn Storiâu RaW – ymaelodwch yn un o'n gweithdai storiâu ymarferol. Rydych chi'n darparu'r lleoliad ac yn gwneud yr hyrwyddo, rydyn ni'n darparu'r arbenigedd. Bydd nifer cyfyngedig o sesiynau cynorthwyedig wedi eu cysylltu â darllediadau – manylion i ddod.

Awgrymiadau cyfnod 2 ar gyfer canolfannau RaW

Cysylltwch â'ch clwb pêl droed lleol neu dimau cymunedol eraill i weld a oes yna ddigwyddiadau fel cwisiau chwaraeon neu glybiau darllen y gallwch eu cynnal gyda'ch gilydd. Bydd mwy o wybodaeth yn dod yn ystod gwanwyn 2006.

Hyrwyddwch y llyfrau sydd ymysg 'Pigion RaW' a restrir ar y wefan gydag arddangosfeydd.

Cyfeiriwch ddefnyddwyr i'r wefan ac adrannau perthnasol yno ar chwaraeon a hanesion am sêr.

Cadwch adnoddau RaW wrth law a chynhaliwch sesiynau Darllen RaW a sesiynau 'Llyfr i mi, llyfr i ti'.

Cyfnod 3: Plant RaW (Mawrth 2007)

Mae'r cyfnod hwn yn cael ei ddatblygu ar y funud gyda mwy o wybodaeth i ddilyn.

Cyngor Cyflym RaW

Ceisiwch ennyn diddordeb dynion yn RaW – hyrwyddwch drwy chwaraeon, DIY a diddordebau perthnasol eraill

Trywydd RaW

Bydd pob unigolyn yn creu eu llwybr eu hun trwy'r hyn sydd gan RaW i'w gynnig. Fe fyddan nhw'n cychwyn a gorffen ar bwyntiau gwahanol ac yn gwneud pethau gwahanol ar hyd y ffordd. Bydd eich canolfan RaW yn chwarae rôl allweddol wrth gyfeirio defnyddwyr at yr hyn a allai weithio iddyn nhw.

Ymwybyddiaeth o Raw

Gall y man cychwyn fod yn rhaglen deledu neu radio yn hyrwyddo RaW neu fynd i'r cwis yn y dafarn neu ddigwyddiad yn y ganolfan ar hap a damwain neu trwy ddewis.

Penderfyniad ymwybodol i wella sgiliau darllen ac ysgrifennu bob dydd

Gall rhai benderfynu mesur eu lefel llythrennedd tra bod eraill yn syml yn cydnabod yr hoffon nhw wella'u sgiliau llythrennedd. Bydd hwylustod cael at weithgareddau ac adnoddau mewn canolfannau RaW yn hanfodol.

Gweithgaredd penodol a symbylir gan y rhai sy'n cymryd rhan

I rai, bydd y penderfyniad i wella'u sgiliau bob dydd yn eu cynorthwyo i fynd â nhw drwy'r adnoddau a nodir ar y wefan neu eu cyfeirio at weithgareddau lleol iawn. I eraill, gall y penderfyniad arwain at lwybr penodol o weithredu a awgrymir gan ymgynghorwyr ar y llinell ffôn gynghori. Sut bynnag y bydd y rhai sy'n cymryd rhan yn penderfynu symud ymlaen yn ystod y cyfnod hwn, bydd adnoddau RaW yn helpu eu sgiliau llythrennedd.

Does dim man terfyn penodol

Bydd canlyniadau'n amrywiol a bydd llwyddiant yn edrych yn wahanol i bob person. Bydd rhai'n symud ymlaen trwy gymryd camau bychain, darllen mwy neu gymryd rhan mewn gweithgareddau RaW. Bydd eraill yn llwyddo i gyrraedd targed arbennig neu'n dewis dysgu mwy ffurfiol. Bydd etifeddiaeth ymgyrch RaW yn sicrhau y bydd adnoddau yn dal i fod ar gael.

Bywyd ar ôl RaW

Rydyn ni'n gobeithio y bydd RaW yn ysbrydoli ac ysgogi defnyddwyr i fod eisiau darllen ac ysgrifennu mwy. Isod mae rhestr o adnoddau pellach sydd â rhywbeth i'w gynnig i amrywiaeth o alluoedd. Gallai fod yn ddefnyddiol i ganolfannau RaW fod â'r rhestr hon ar gael wrth law.

Mae BBC Skillswise yn ymgyrch wedi ei hanelu at wella llythrennedd a rhifedd oedolion. Ar y wefan fe geir nifer o daflenni ffeithiau, cwisiau a gemau, yn ogystal â gwybodaeth ar gyfer tiwtoriaid sgiliau sylfaenol. Ewch i bbc.co.uk/skillswise.

Gall **learndirect** gynnig gwybodaeth am gyrsiau sgiliau bywyd – ffoniwch **0800 100 900**.

Mae rhestr o gyrsiau lleol ar y wefan www.learndirect-advice.co.uk.

Cyngor Cyflym RaW

Byddwch â gwybodaeth am gyfleon dysgu pellach ar gael wrth law.

Bywyd ar ôl RaW (parhad)

Yng Nghymru

Bydd **BBC Cymru** yn darparu fersiwn i'w lwytho i lawr o adnoddau'r pecyn hwn yn ogystal ag adnoddau Cymraeg ar-lein gyda gweithgareddau a gwybodaeth. Pan fo'n addas, bydd y llinell ffôn yn cynnig gwasanaeth Cymraeg, ac mae gan ELVWa wybodaeth am sgiliau sylfaenol ar www.elwa.ac.uk/elwaweb.

Dewch yn diwtor sgiliau sylfaenol

I'r rhai sydd â gafael dda ar y Gymraeg, Saesneg neu Fathemateg ac a fyddai'n hoffi helpu eraill trwy ddod yn wirfoddolwr neu diwtor sgiliau sylfaenol, mae gwybodaeth am gyrsiau hyfforddi ar wefannau'r BBC - Skillswise a learndirect . Gweler

bbc.co.uk/skillswise/tutors
a www.learndirect-advice.co.uk.

Cysylltiadau Raw

Os oes gennych ymholiadau arbennig ynghylch yr ymgyrch, neu os ydych am siarad ag aelod unigol o dîm RaW y BBC, cysylltwch â'r person perthnasol isod.

Cynllun RaW

Ystafell M2001
BBC Cymru
Llandaf
Caerdydd, CF52YQ

E-bost: rawcymru@bbc.co.uk

Cyngor Cyflym RaW

Os mewn penbleth, ffoniwch – fe wnawn ein gorau i helpu bob amser

Tîm canolog RaW y BBC

Cymru: 02920 323 766

Yr Alban: 0141 338 3260

Gogledd Iwerddon: 028 3751 0927

Lloegr:

Gogledd – 0113 224 7122

Y De a'r De Ddwyrain – 01273 320 428

Y Dwyrain – 01223 589 838

Y Gorllewin a'r De Orllewin – 01656 783 825

Llundain - 020 7765 2324

Dwyrain Canolbarth Lloegr – 0115 902 1895

Gorllewin Canolbarth Lloegr – 0121 567 7087

Y Gogledd Ddwyrain a Cumbria – 0191 244 1237

I gysylltu â'ch gorsaf radio leol neu eich swyddfa deledu ranbarthol, cysylltwch ag un o'r tîm uchod.

Ewch i'r wefan **bbc.co.uk/cymru/raw/mwy/ymgyrch** i lwytho i lawr fersiwn o'r pecyn hwn y gellir ei wneud yn fwy. Os na allwch gael at y rhyngrwyd ffoniwch y tîm RaW ar **020 8752 6777** er mwyn gofyn am fersiwn print bras neu fersiwn llafar.

Awdur: Rachel Harden

Cynlluniwyd a chynhyrchwyd gan BBC Design & Publications